

tamen scire sed non exercere, longe major est turpitude. Excita ergo nos, ô DEUS, & vigilabimus; trahe nos ad te, & curremus viam rectam per Christum in Regnum Dei, AMEN.

CAPUT XXV.

VERI CHRISTIANI, HOC EST, uncti à Deo proprietatem & signum esse Orationem.

Pfalm. 86. Inclina Domine aurem tuam, & exaudi me, quoniam inops & pauper sum ego.

HIS verbis continetur doctrina pulcherrima de Oratione, puta illam per tribulationes excitari, & verorum Christianorum propriam signaturam esse. Nam I. qui Christianus est, hic Spiritu sancto unctus & Baptizatus est; *i. Job. 2.* Cui unctioni & Spiritui S. cum locus datur, cum non resistitur, cum ille nō contristatur, tum vero nihil aliud agit, quam assiduo & indefinenter in corde hominis gemere, Spiritum illius ad Deum erigere, & secum à terra sursum elevare. Sicut enim subtilis liquor aut Spiritus flosculo affusus ejus vires extrahit & secū vehit: Ita nos qui Dei flores sumus à Deo plan-

Operatio Spiritus sancti in corde.

plan-